



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militia Sacra || Dvcvm Et Principvm || Brabantiaë,||

Molanus, Johannes

Antverpiae, [1592]

De bello sacro Grimoaldi Ducis contra Thuringos. Cap. VII.

urn:nbn:de:hbz:466:1-38114

possit. Fuit namque probatissimæ vitæ, ac purissimæ famæ, sapientiæ domicilium, consiliorum thesaurus, defensio legum, controversiarum finis, munimentum patriæ, decus Curia, via Ducum, & disciplina Regum. Quod de Pipino elogium cum ante annos quingentos Stephanus Abbas Leodiensis infereret historiæ S. Modoaldi, pulcram subiunxit exclamationem: *Audiant ergo nunc Duces, serenissimi Ducis Pipini tot præclaras post finem eius laudes, & intelligant Reges æquitatem eius, & prudentiam, & fortitudinem, ac temperantiam. Erudiantur huius exemplo potentes qui iudicant terram.*

De bello sacro GRIMOALDI Ducis contra Thuringos.

C A P. V I I.

A N N O DC. XXXVII. Pipinus maior do-
mus moritur. Grimoaldus filius eius in
aula Sigeberti potenter principatur.

*17. Dux
Brabantia
Grimoaldus.*

Ideoque eum pro honore & officio ducatus adfuisse existimo, quando Sigebertus Rex cum Radulpho Thuringorum Duce concurrat.

Anno 648.

Verum cum postea nullis bellis premere-
tur, pietati vacare voluit. Atque eò pertinet,
quod Sigebertus Rex in suo testamento scri-
bit, sancta ac venerabilia monasteria, Stabu-
laus, siue Malmudarium cognominata, ubi
vir venerabilis Remaclus Episcopus & Ab-

*Apud Nod-
gerum in vi-
ta Remacii.*

A s bas

bas Christo auspice præesse videtur, vir illustris Grimoaldus maior domus suo opere in vasta eremo Ardennensi construxit.

Rex quoque de prole desperans, Grimoaldi filium Hildebertum adoptauit; sed mox illi nascitur filius Dagobertus.

De sacra militia ANSEGISI Ducis.

C A P. V I I I.

III. Brabantie Dux Ansegisus cum S. Begga. Cap. 6. Vita S. Modoaldi 12. Maij.

GRIMOALDO Dux & maior domus successit Ansegisus. de quo ante annos abhinc quingentos scripsit Stephanus Abbas Leodiensis. Sciendum est istum Ansegisum fuisse filium B. Arnulphi, ex maiore domus Metensis Episcopi. Huic Ansegiso venerabilis Begga felici iuncta matrimonio, generosæ sobolis, & nobilissimorum Regum mater exstitit. Cuius quoque sanctitatis pia apud nos clarent monumenta, eo in loco, in quo ex diuina reuelatione septem construxit ecclesias, vbi & corpus eius à sacris virginum choris honoratur, quæ Deo ibidem famulantur. Ibi quoque coniunx piissimus Ansegisus ab ea conditus est, qui ab alumno suo, quem idem Dux puerum fortè inuentum, & è sacro fonte susceptum aluit in filium, & exaltauit, crudeliter in venatione peremptus est.

Ad huius sacram militiam pertinere nequaquam (ne quis hîc fallatur) potest, quod Ioannes de Castilione Archidiaconus Campaniæ